



Adresa: **Ul. Hamdije Čemerlića 39 a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
SEKRETAR

Ul. Hamdije Kreševljakovića 3, 71000 Sarajevo

Naš znak/Our ref.: **10 - 429 - 2 / 24**

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Vaš znak/Your ref.:

Primljeno: 23-04-2024

Org. jed.	Broj	Priloga	Vrijednost
05/2	- 02 -	160	24

Datum /Date,

Sarajevo, 16.04.2024. godine

PREDMET: Delegatska pitanja– **ODGOVOR, daje se**

VEZA: Vaš akt broj: 05/2-02-160/24 od 29.03.2024. godine

Poštovani,

Vašim aktom iz Veze dostavili ste nam izvod iz neautoriziranog magnetofonskog snimka sjednice Doma naroda u kome su sadržana delegatska pitanja delegatkinje Sanele Klarić, a pitanje koje se odnosi na ovu Agenciju glasi: „I također bih postavila pitanja Agenciji za sliv rijeke Save Federacije BiH koja je 03. marta je istekao rok tri mjeseca da vrati u prvobitno stanje izgrađene obale utvrde na rijeci Drini u Goraždu oni to do sada nisu uradili, interesuje me da li uopšte imaju planove i zašto nisu ispunili dati rok. Rješenje je izdala Federalna uprava za inspekcijske poslove i tražila da u roku od tri mjeseca ova Agencija a istekao je rok 03. marta vrati u prvobitno stanje izgrađenu obalu utvrde u Goraždu“.

Na postavljeno delegatsko pitanje ova Agencija daje slijedeći **ODGOVOR:**

1. Dana 31.05.2023. godine Federalni građevinski inspektor je u prostorijama AVP Sava obavio inspekcijski nadzor nad AVP Sava, a predmet nadzora je bio "Obaloutvrde u Goraždu", o čemu je isti sačinio Zapisnik (UP1-10-19-2-00036/2023-1002-P-1002-P od 31.05.2023. godine) u kojem od strane AVP Sava istaknuto da ova Agencija nije Investitor ovog projekta već samo sufinansijer (za šta je namjenski prenijela sredstva u iznosu od 1.500.000,00 KM Implementatoru projekta u ime Federacije BiH PIU šumarstva i poljoprivrede), već je to općina Goražde (sada Grad Goražde). Bez obzira na to svojim Rješenjem broj: UP1-10-19-2-04210/2023-1002-3-P od 16.06.2023. godine Federalni građevinski inspektor nalaže ovoj Agenciji da u roku od 120 dana od prijema Rješenja ukloni "obaloutvrde na rijeci Drini" u svojstvu Investitora. Ova Agencija je u zakonskom roku uložila žalbu na spomenuto Rješenje Federalnom ministarstvu prostornog uređenja putem Federalne uprave za inspekcijske poslove Sarajevo.

Federalno ministarstvo prostornog uređenja svojim Rješenjem (broj: UPII-05-19-7-18/23 od 27.07.2023. godine) je uvažilo žalbu Agencije za vodno područje rijeke Save od 26.06.2023. godine izjavljenu protiv rješenja Federalne uprave za inspekcijske poslove broj: UP1-10-19-2-04210/2023-1002-3-P od 16.06.2023. godine, te ožalbeno rješenje poništilo i predmet vratilo prvostepenom organu na ponovni postupak.

2. Nakon toga Federalni građevinski inspektor Federalne uprave za inspekcijske poslove je donio novo Rješenje broj: UP1-10-19-2-04210/2023-1002-9-P od 03.11.2023. godine kojim nalaže ovoj Agenciji da ukloni "obaloutvrde na rijeci Drini" u svojstvu Investitora. Ova Agencija je u zakonskom roku uložila Žalbu na spomenuto Rješenje Federalnom ministarstvu prostornog uređenja putem Federalne uprave za inspekcijske poslove Sarajevo.

Federalno ministarstvo prostornog uređenja je svojim Rješenjem (broj: UPII-05-19-7-18/23 od 09.01.2024. godine) uvažilo žalbu Agencije za vodno područje rijeke Save od 14.11.2023. godine izjavljenu protiv Rješenja Federalne uprave za inspekcijske poslove broj: UP1-10-19-2-04210/2023-1002-9-P od 03.11.2023. godine, te ožalbeno rješenje poništilo i predmet vratilo prvostepenom organu na ponovni postupak.

3. Federalni građevinski inspektor Federalne uprave za inspekcijske poslove je donio treće Rješenje broj: UP1-10-19-2-04210/2023-1002-17-P od 12.02.2024. godine kojim nalaže Federalnom ministarstvu poljoprivrede, vodoprivrede i šumartsva/PIU Šumarstva i poljoprivrede i ovoj Agenciji da uklone "obaloutvrde na rijeci Drini" u svojstvu Investitora. Ova Agencija je u zakonskom roku uložila Žalbu na spomenuto Rješenje Federalnom ministarstvu prostornog uređenja putem Federalne uprave za inspekcijske poslove Sarajevo. Prema našim saznanjima također i Federalno ministarstvo poljoprivrede, vodoprivrede i šumartsva/PIU Šumarstva i poljoprivrede je na spomenuto rješenje uložilo žalbu.

O daljem postupanju Federalnog ministarstva prostornog uređenja po pomenutim žalbama po ovom pitanju u ovom trenutku nemamo informacija.

S poštovanjem,

V.D. DIREKTOR

Sejad Delić, dipl.inž.



Dostaviti:

- Naslovu,
- Sektor 10,
- a/a.